

Item, dar uno oficio al zenero di Andrea de Re, è a Constantinopoli, per fabrichar galie al turco; e fo secreto questa parte.

È da sapér, si ave Caimalli turcho esser ussido di stretto, di voler dil signor turcho, con 3 galie et altre velle, per andar a' danni di rodiani, perchè hanno obstà a lassar venir formento in stretto etc.

58 El colegio, deputado a Francesco Tajapiera, veneno zoso di pregadi; et *dicitur*, è stà retenuti do altri; et Francesco fu posto in Toresele, si che si jidicha sarà mal di lui.

A dì 28. Fo incantà le galie di Fiandra. Ave la prima sier Vetor Capello, *quondam* sier Lunardo, per lire 76; sier Jacomo Michiel, *quondam* sier Hironimo, per lire 100; et sier Piero da Molin, *quondam* sier Jacomo, dotor, cugnado dil capetano, per lire 70; et va capetano di le ditte sier Vicenzo Capello, *juxta* la parte.

Da poi disnar fo consejo di X, con zonta. Poi feno li soi capi per il mexe di marzo: sier Francesco Tiepolo, sier Marco Sanudo, sier Francesco Foscari, el cavalier.

59 *Dil mexe di marzo 1505.*

A dì primo marzo. In quarantia criminal, da poi, che per sier Nicolò Dolfim, *olim* synico *intrà* el colfo, fo posto, e preso, di retenir, za mexi . . . , sier Francesco da Molin, *quondam* sier Antonio, fo conte a Liesna, el examinato, et al presente esso sier Nicolò Dolfim andò in quarantia, e messe che 'l fusse asolto; e cussì fu.

È da saper, a Salò acadete, che li avogadori scrisse a sier Marco Arimondo, provededor de li, ch' l dovesse suspender la sententia, fata per lui, di tajar la testa a uno; esso provededor non volse, et li fe tajar la testa. Di questa desubedientia la Signoria molto si dolse, e fu decreto, sier Marco Antonio Loredam, avogador, andasse fino li a formar processo sopra questo. El qual *statim* parlò, et a Sallò andoe.

A dì 2. Fo gran consejo. Fu posto, che sier Nicòlo da Mulla, va governador a Brandizo, non liciti tempo. Ave 755, 195, 6.

A dì 3. Da poi fo pregadi. E sier Luca Trun, *olim* avogador, andò in renga dicendo, dicendo per expedir Marco Rigo, *olim* secretario dil zeneral Peixaro, qual è retenuto, bisognava, per saper una verità, retenir Alvise Muschatello, fo in armada con ditto zeneral. E fo ballottà 2 volte, non

preso, *videlicet*: prima 73, 83 di no, 27; poi 71, 98 di no et 17.

Di Franza. Si ave esser morta madama *Anna* (1) fo mojer di questo *roy*, e repudiata; e questo per tuor questa, fo moglie dil re Carlo, si come in altri mij analli è scripto.

Fo fato election di uno ai X savij. Rimase sier Alvixe Loredam, fo a le raxon vecchie, *quondam* sier Pollo; fo sotto sier Vicenzo Valier, è provededor sora i dacij, *quondam* sier Piero.

A dì 4. Fo collegio; et il principe con la Signoria dete audiencea.

A dì 5. Fo consejo di X, et expedito Francesco Tajapiera, secretario, per aver fato letere false, e cavar di bando, e tolto manzarie, che a di 7 in mezo le do colonie el sia apichato. Et sier Zorzi Piexani, dotor, cavalier, avogador, andò in Toresele a dirli tal diliberation dil consejo di X. El qual fè il suo testamento.

A dì 6. Da poi disnar fo pregadi. Fu preso di scriver a Roma, per uno fiol di sier Zacharia Grimanini, *noviter* morto in grandissima povertà, darli beneficij per ducati 400; e fu preso.

Et *item*, fu concluso la materia di Roma, *vide-licet* darli alcuni castelli indrio al papa, li qual saranno qui sotto scritti, per numero XI, e Faenza con li suo' teritorij, e Rimano, con lo suo teritorio, ne rimagna; et perhò fo chiamà pregadi per far oratori a Roma, in loco di alcuni refudono, altri vachano, et altri voleno andar; et cussì sonno electi 4 oratori, il securtinio sarà qui sotto.

E la matina fo chiamà su le scale, per parte presa in 4.^{ta}, sier Agustin Coppo, si vengi a presentar a li avogadori, in termine etc.

Di Franza, di l' orator nostro, date a dì 59^{ma} primo, a Paris. Come il *roy* à mal; et è in imimitia col cardinal Roam.

180 *Electi 4 oratori a Roma.*

| | | |
|--|-----|--|
| Sier Francesco Duodo, è di pregadi, <i>quon-</i> | | |
| <i>dam</i> sier Piero, | 32 | |
| Sier Christofal Moro, el consier, <i>quon-</i> | | |
| <i>dam</i> sier Lorenzo, | 78 | |
| † Sier Hironimo Donado, el dotor, fo savio | | |
| dil consejo, | 140 | |
| Sier Piero Pasqualigo, dotor, cavalier, fo | | |
| ambassador in Spagna, | 24 | |
| Sier Pollo Capello, el cavalier, fo eao dil | | |
| consejo di X, | 77 | |

(1) Nel testo questo nome è punteggiato.